

# INUIT ATAQATIGIIT

## Inatsisartuni



22. marts 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. Naalakkersuisoqarfiit qitiusumik allaffeqarfiini ukiuni 2014-miit maannamut agguaqatigiissillugu qanoq sivisutigisumik uku atorfeqartarpat:**
  - **Ilinniagartuutut atorfillit Danmarkimiit, Savalimmiuniit imaluunniit naalagaaffeqatigiinnerup avataaneersuniit?**
  - **Ilinniagartuutut atorfillit Nunatsinneersut?**
  - **Ilinnigartuujungitsutut atorfillit Danmarkimiit, Savalimmiuniit imaluunniit naalagaaffeqatigiinnerup avataaneersuniit?**
  - **Ilinnigartuujungitsutut atorfillit Nunatsinneersut?**
- 2. Naalakkersuisoqarfiit qitiusumik allaffeqarfiini atorfillit soraarnerannut atatillugu pisattanik nuussinermut angalanermullu ukiuni 2014-miit maannamut Namminersorlutik Oqartussat qanoq aningaasartuuteqartigippat?**
- 3. Namminersorlutik Oqartussat ukiuni 2014-miit maannamut sulisussarsiornermut atatillugu allagartaliinermut, atorfinititsinermi oqaloqateqarnermut kiisalu pisattanik nuussinermut atorfinititsitaanermilu angalanernut qanoq aningaasartuuteqartigaat?**
- 4. Ukiuni 2014-miit maannamut agguaqatigiissillugu piffissaq qanoq sivisutigisarpa Naalakkersuisoqarfiit qitiusumik allaffeqarfiini atorfiup inuttaarunneraniit inuttaqaleqqinnissaanut?**

(Inatsisartunut ilaasortaq Sofia Geisler, Inuit Ataqatigiit)

### **Tungavilersuut:**

Apeqqutigisannut pissutaavoq isumaqarama sulisooreersut Nunatsinninngaaneersut sulisoriinnarnissaannut piukkunnarsartuarnerisigullu taamalu piginnaasanik pigisatsinnik atorluaanitsigut inuiaqatigiit angusinnaasaat iluanaarutigisinnaasaallu eqqarsaatigalugit ukkatarinninnissarput pisariaqarluinnartoq pisariaqartinneqarluinnartorlu.

Kissatigivara apequtikka ullut sulffiusut qulit qaangiutinninneranni akineqarnissaat.